

# Ukukhiqizwa kwembewu egunyaziwe



Emva konyaka wezinkulungwane ezimbili namashumi amabili nantathu (2023) angeke kuvumeleke ukuthi amasimu atshalwe ngembewu engahambisani nemithetho yeMboni futhi yangunyazwa iKomiti leZifo neziNambuzane nokuKhiqizwa kweziNhlobo zoMoba.

- UMOBA OTHUNYELWA ESIGAYWENI/EMSHININI**
- Umoba otshalwe ngembewu egunyaziwe
- Uthunyelwa esigayweni kuphela



## IMBEWU EGUNYAZIWE

- Fuze insimu ilaliswe okungenani izinyanga eziyisishiyagalolunye (9), eziyisithupha (6) zazo kube ukuthi ibingatshaliwe umoba.
- Uma ilalisiwe: "ukulima ngokuncane" kanye nezitshalo ezikhulela phansi ezinamaqabunga amakhulu zingatshalwa.
- Insimu kumele ihlolwe ithimba leZifo neziNambuzane ezinyangeni ezintathu (3), eziyisithupha (6) kanye neziyisishiyagalolunye (9).
- Kumele kutshalwe imbewu eqinisekisiwe kuphela.
- Ukuhlolwa kwezifo kanye nezinhlobo ezingadingeki zomoba okunzulu okungahleliwe yithimba leZifo neziNambuzane fuze kwenziwe okungenani kabili umoba ungakabi nezinyanga eziyisithupha (6).
- Ukuhlololwa isifo uMbasha (RSD) kwenziwe ezinyangeni eziyisishiyagalolunye (9).
- Ukuhlololwa isihlava i-Eldana kwenziwe ngaphambi kokuhlahla.
- Imbewu izogunyazwa emva kokuphasa konke lokuhlolwa okubalulwe ngenhla.
- Le mbewu ingasetshenziswa ukutshala amasimu azogawulwa athunyelwe esigayweni.
- Itshalo kanye nehlumela lokuqala kuphela elingasetshenziswa njengembewu egunyaziwe.



## IMBEWU EQINISEKISIWE

- Imbewu eqinisekisiwe isuke ikhiqizwe kwinkulisa-mbewu ebhaliswe ngaphansi kweKomiti leZifo neziNambuzane.
- Kungaba izingoqo eziphekiwe.

## KUNGANI KUMELE UTSHALE INKULISA-MBEWU EGUNYAZIWE?

- Ukuqinisekisa ukungabibikho kwezifo kanye nokuthola uhlobo oluyilo lwembewu ozoyitshala.
- Izinkulisa-mbewu ezisemapulazini zisetshenziselwa ukwandisa imbewu eqinisekisiwe ukuze inani libe liningi lanele ukutshala amasimu azogawulwa athunyelwe esigayweni.

## OKUBALULEKILE:

- Bhalisa amasimu alalisiwe kwabeZifo neziNambuzane ngaphambi kokuba kuqale izinyanga eziyisishiyagalolunye (9) zokulalisa insimu.
- Izitshalo ezikhulela phansi ezinamaqabunga amakhulu kuphela ezingatshalwa uma insimu isalalisiwe.
- Imbewu egunyaziwe akuyona imbewu eqinisekisiwe.
- Imbewu egunyaziwe ivumeleke ukusetshenziswa noma ukudayiswa uma izotshalwa emasimini azogawulwa athunyelwe esigayweni kuphela.
- Umoba ozothunyelwa esigayweni akumele usetshenziswe noma udayiswe njengembewu egunyaziwe.



Usuku: uNhlolanja 2021